

Ո Ր Ո Շ ՈՒ Մ թիվ- 180
վարչական տույժ նշանակելու մասին

ք. Երևան

«28» հունիսի 2021թ.

ՀՀ պետական եկամուտների կոմիտեի իրավաբանական վարչության պետ Ա.Մնացականյանս, քննելով վարորդ Վախթանգ Մանվելի Զաքարյանի վերաբերյալ նյութերը.

Պ Ա Ր Զ Ե Ց Ի '

2021 թվականի հունիսի 24-ին ՀՀ ՊԵԿ Արարատյան մաքսատուն-վարչության աշխատակիցները «Ուրբան լոջիստիք սերվիսիս տերմինալ» ՓԲԸ մաքսային հսկողության տարածքում տեսազննման են ենթարկել «ԱԳՏ» ՍՊ ընկերության անվամբ թիվ 05100033/230621/0020938 տարանցման հայտարարագրով ՎՀ-ից ՀՀ ապրանքներ տեղափոխող Վախթանգ Զաքարյանի կողմից վարվող «Ford» մակնիշի, «34TZ688» պետհամարանիշի ավտոմեքենան:

Ավտոմեքենայի տեսազննման արդյունքում պարզվել է, որ Բագրատաշենի մաքսային կետ-բաժնում դրված թիվ RA121734-35 մաքսային ապահովման միջոցները առկա են, սակայն թիվ «RA121734» մաքսային ապահովման միջոցը, առանց մաքսային մարմնի թույլտվության, պոկվել է:

Փաստի առթիվ «34TZ688» պետհամարանիշներով ավտոմեքենայի վարորդ Վախթանգ Զաքարյանի նկատմամբ ՀՀ մաքսային օրենսգրքի 196-րդ հոդվածի հատկանիշներով կազմվել է մաքսային կանոնների խախտման վերաբերյալ արձանագրություն, իսկ թիվ 05100033/230621/0020938 տարանցման հայտարարագրով ՀՀ ներմուծված ապրանքները վերցվել են:

Վարչական վարույթի շրջանակներում Վախթանգ Մանվելի Զաքարյանը բացատրություն է տվել այն մասին, որ 2021 թվականի հունիսի 24-ին «Ուրբան լոջիստիք սերվիսիս տերմինալ» ՓԲԸ ընկերության մաքսային հսկողության տարածքում մաքսային մարմնի աշխատակիցները իր կողմից վարվող «34TZ688» պետհամարանիշի ավտոմեքենայի տեսազննման արդյունքում պարզել են, որ թվով 2 կապարակնիքներից մեկը պոկել է:

Վախթանգ Մանվելի Զաքարյանը ծանուցվել է գործի քննության վայրի և ժամանակի մասին, սակայն վերջինս չի ներկայացել: Գործի քննությունը կատարվել է նրա բացակայությամբ՝ հիմք ընդունելով ՀՀ մաքսային օրենսգրքի 219-րդ հոդվածի 2-րդ մասը:

ԵԱՏՄ մաքսային օրենսգրքի 150-րդ հոդվածի համաձայն՝ «Մաքսային տարանցում» մաքսային ընթացակարգին համապատասխան ապրանքների փոխադրման (տրանսպորտային փոխադրման) ժամանակ փոխադրողը, անկախ այդ մաքսային ընթացակարգով ձեւակերպված ապրանքների հայտարարատուն լինելու հանգամանքից՝ բացառությամբ սույն հոդվածի 2-րդ կետում նշված դեպքի, պարտավոր է ապահովել ապրանքների, մաքսային կապարակնիքների եւ կնիքների, կամ նույնականացման այլ միջոցների պահպանվածությունը, եթե այդպիսիք կիրառվել են, առանց մաքսային մարմինների թույլտվության՝ թույլ չտալ «մաքսային տարանցում» մաքսային ընթացակարգին համապատասխան փոխադրվող (տրանսպորտով փոխադրվող) ապրանքների բեռնաթափումը, փոխաբեռնումը (վերաբեռնումը) եւ ապրանքների հետ այլ բեռնային գործողությունների կատարումը:

ԵԱՏՄ մաքսային օրենսգրքի 2-րդ հոդվածի 26-րդ կետի համաձայն՝ «փոխադրողն» այն անձն է, որն իրականացնում է ապրանքների եւ (կամ) ուղեւորների փոխադրում (տրանսպորտային փոխադրում) Միության մաքսային սահմանով եւ (կամ) մաքսային հսկողության տակ գտնվող ապրանքների փոխադրում (տրանսպորտային փոխադրում) Միության մաքսային տարածքով:

ՀՀ մաքսային օրենսգրքի 196-րդ հոդվածի համաձայն՝ Մաքսային մարմնի կողմից դրված կապարակնիքները կամ ապահովության այլ միջոցները վնասելը կամ կորցնելը՝ առաջացնում է տուգանքի նշանակում՝ 200,000 դրամի չափով:

Այսպիսով, գործի նյութերով պարզվել է, որ «ԱԳՏ» ՍՊ ընկերության անվամբ թիվ 05100033/230621/0020938 տարանցման հայտարարագրով Վրաստանի Հանրապետությունից ՀՀ ապրանքներ տեղափոխող «Ford» մակնիշի, «34TZ688» պետհամարանիշի ավտոմեքենայի վրա դրված «RA121734» մաքսային ապահովման միջոցը վնասվել է վարորդ Վախթանգ Զաքարյանի կողմից, այսինքն՝ վերջինս թույլ է տվել ՀՀ մաքսային օրենսգրքի 196-րդ հոդվածով նախատեսված մաքսային կանոնների խախտում, ինչը հիմնավորվում է 25.06.2021թ. մաքսային կանոնների խախտման արձանագրությամբ, 24.06.2021թ. թիվ 372 մաքսային զննման /տեսազննման/ ակտով, Վախթանգ Մանվելի Զաքարյանի բացատրությամբ:

Վերոգրյալի հիման վրա և ղեկավարվելով ՀՀ մաքսային օրենսգրքի 196-րդ հոդվածով, 206-րդ և 221-րդ հոդվածներով,

Ո Ր Ո Շ Ե Ց Ի՝

1. Վախթանգ Մանվելի Զաքարյանին (անձնագիր՝ AS0549448) ճանաչել զանցառու ՀՀ մաքսային օրենսգրքի 196-րդ հոդվածով և նրա նկատմամբ նշանակել տուգանք 200,000 ՀՀ դրամի չափով:

2. Որոշման մասին հայտնել Վ. Զաքարյանին՝ պարզաբանելով, ՀՀ մաքսային օրենսգրքի 221-րդ հոդվածի 2-րդ մասի համաձայն՝ որոշումն ուժի մեջ է մտնում կայացման պահից: ՀՀ մաքսային օրենսգրքի 222-րդ հոդվածի համաձայն՝ որոշումը կարող է բողոքարկվել վերադաս մաքսային մարմին՝ դա կայացնելուց հետո 10 օրվա ընթացքում կամ ՀՀ վարչական դատարան երկու ամսվա ընթացքում:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



Ա. ՄՆԱՑԱԿԱՆՅԱՆ